

Wir graue Albreht vom hayligen Berg der Elter<sup>1</sup> Lantvogt in Swaben. vnd Ich graue Albreht. vom hayligen Berg der Junger gebrüder tũnt kunt / vnd veriehen allen den die disen brief an sehent oder hõrent lesen. daz wir Lieblich vnd tugentlich ains tails. v̄berain komen sien mit / ainander vmb allez daz gũt daz v̄nz baiden ze tail wart von v̄nserm v̄tterlichen . vnd m̄terlichem Erbe. Also daz wir dar vmb lieblich vnd frũnt / lich gelõzet haben õn alle gef̄arde. Vnd ist mir dem vorgeantanten graf Albreht dem Eltern<sup>1</sup> mit dem Lõz ze tail worden vnd gefallen. Bludentz<sup>3</sup> / die stat. Montafphun<sup>4</sup> daz tal. die vesti ze Bũrs.<sup>5</sup> die vesti ze Schellenberg<sup>6</sup> die vesti zũm Eglolffz<sup>7</sup> vnd die zehen phunt phenning Costentzer mũntz / J̄rlichz geltz in dem Rintal<sup>8</sup> vnd zwen wingarten ze Rynegg<sup>9</sup> gelegen. der ain an dem Nidern Bũchberg<sup>10</sup> haisset der Hafen der ander an dem obern / Bũchberg<sup>10</sup> haisset der ower vnd dũ Losung dez kellehöfz ze Wolffurt. .<sup>11</sup> disũ vorbenempten gũter ãllũ sint mir zũ minem tail worden mit allen / Aygenscheften Lehenscheften zwingen vnd Bennen zõllen gerihten gewonhaiten mit fãllen und gelazen bi wasen vnd bi zwũ mit holtz vnd mit / veld mit ãckern vnd mit wisen mit wasser wasser Rũsen vnd wasserlayti vnd vischentzen mit wegen vnd mit Stegen mit allen Ehaftinen / mit Stũren diensten mit allen Nũtzen rehten vnd zũgehõden so zũ ald in die vorbenempten gũter oder in ieglichz besunder hõrt ald gehõren mag / vnder Erde oder ob erde nũtz vzgenomen befundenz vnd vnbefundens besũchtz vnd vnbesũchtz õn alle gef̄arde . vnd hab och ich der vorbenempt graue / Albreht der elter reht vnd vollen gewalt ze lõsen ãllũ dũ gũter die vz den vorgeschribenen gũtern die mir ze tail worden sint . versetz sint . So / ist mir dem Egenanten graue Albreht dem Jungern mit dem Lõz ze tail worden vnd gefallen, die vesti der Haylig Berg<sup>12</sup> vnd zange<sup>13</sup> disũ zwai / mit allen Aygenscheften, Lehenscheften zwingen vnd Benen zõllen gerihten . gewonhaiten mit fãllen vnd gelãzen bi wasen vnd bi zwũ mit / hõltz vnd mit veld mit ãckern vnd mit wisen mit wasser wasser Rũsen vnd wasser layti vnd vischentzen mit wegen vnd mit stegen mit allen / Ehaftinen mit Stũren diensten und mit allen nũtzen rehten vnd zũgehõrden so zũ ald in die vorbenempten zwai gũt oder in ir entweders / besunder gehõrd ald gehõren mag vnder erde vnd ob erde nũtz vz genomen befundenz vnd vnbefundenz. besũchtz vnd vnbesũchtz õn alle gef̄arde / So hab och ich der Egenante graue Albreht der Junger<sup>2</sup> reht vnd vollen gewalt ze lõsen ãllũ dũ gũter die vsser den obgeschribenen gũtern die mir ze tail / worden sint, vormalz versetz